

MAHINUNGDANONG MGA BUTANG PARA SA PAGPAHIULI SA IGLESIAHANONG KINABUHI

(Sabado—Ikaduhang Sesyon sa Buntag)

Mensahe 5

Ang Kalabot sa Tinuod nga Pagkahiusa

Basahong Kasulatan: Buh. 1:14; 2:46; 4:24; 5:12; 15:25; Rom. 15:6

I. Ang tinuod nga pagkahiusa sa iglesia mao ang pagbatasan sa pagkausa sa Lawas, nga mao ang pagkausa sa Espiritu—Efe. 4:3-6:

- A. Makita nato sa Efeso 4:4-6 nga ang pagbatasan nato sa pagkausa gibasi sa kinaiya sa pagkausa sa iglesia: usang Espiritu, usang Ginoo, usang Dios, usang Lawas, usang pagtuo, usang bautismo, ug usang paglaom.
- B. Ang pagbatasan sa tinuod nga pagkahiusa sa iglesia mao ang pag-aplikar sa pagkausa—Buh. 1:14; 2:46.
- C. Ang pagbatasan sa pagkausa naa sa pagkahiusa; kon mabatasan na ang pagkausa, mahimo kining pagkahiusa—15:25:
 1. Sa Juan gihatagag gibug-aton sa Ginoo ang pagkausa, apan sa Mga Buhat gihatagag gibug-aton ang pagkahiusa—Juan 10:30; 17:11; 21-23; Buh. 1:14; 2:46; 4:24; 15:25.
 2. Ang timaang naglain sa Mga Ebanghelyo sa Mga Buhat mao ang pagkahiusa sa usa ka gatos ug kawhaan—1:14:
 - a. Nausa na sila diha sa Lawas, ug lig-on silang nagpadayon nianang pagkausa nga nagkahiusa sa pag-ampo—Efe. 4:3-6; Buh. 1:14.
 - b. Sa pagbatasan sa mga apostol ug sa mga magtutuo sa iglesiahanong kinabuhi, gibatasan nila kini nga nagkahiusa—2:46; 4:24; 5:12.
- D. Ang pagkahiusa maoy kasingkasing, unod, sentro, sa pagkausa—Efe. 4:3; Buh. 4:24; Rom. 15:6:
 1. Sama sa pisikal nga lawas ang pagkausa, ug sama sa kasingkasing sulod sa lawas ang pagkahiusa.
 2. Ang espirituhanong sakit nato sama sa sakit sa kasingkasing sulod sa lawas; ang sakit nato mao nga dili igo ang atong pagkahiusa, ug sa ingon niana gimintinar nato ang pagkausa uban sa masakitong “kasingkasing.”

II. Nagpasabot ang pagkahiusa sa harmoniya sa pagka-tawo nato sa sulod, sa atong hunahuna ug pagbuot—Buh. 1:14:

- A. Sa Mga Buhat 1:14 gigamit ang Griyegong pulong *homothumadon* sa pagtimaan sa pagkahiusa:
 1. Naggikan ang pulong sa *humo*, “sama,” ug *thumos*, “hunahuna, pagbuot, tuyo (kalag, kasingkasing)” ug nagpasabot og harmoniya sa pagbati sa sulod sa tibuok pagkatawo nato.
 2. Maanaa gyod ta sa samang hunahuna ug sa samang pagbuot nga may samang tuyo libot ug sulod sa atong kalag ug kasingkasing; nagpasabot kini nga nalambigit ang tibuok natong pagkatawo.
- B. Sa Mateo 18:19 gigamit ang Griyegong pulong *sumphoneo* sa pagtimaan sa pagkahiusa:
 1. Nagpasabot kining pulonga og “maharmoniya, o mahiusa” ug nagpasabot sa nabagay nga tingog sa mga tulonggon sa musika o mga tingog.

2. Sama sa honing nabagay ang pagkahiusa, o ang harmoniya sa pagbati sa sulod diha sa mga magtutuo.
3. Magkahiusa ngani ta, mahimo tang honi ngadto sa Dios; mahimo tang balak nga dili lang gisulat kondili gipatingog, gihoni.

III. Ang pagtulon-an sa mga apostol maoy nagkupot sa pagkahiusa—Buh. 2:42, 46:

- A. Ang pagbatasan sa pagkausa—ang pagkahiusa—segun man sa pagtulon-an sa mga apostol—v. 42.
- B. Gisultian ta sa Mga Buhat nga naay pagkahiusa diha sa mga magtutuo ug ang tanang nagkahiusa lig-on gyong nagpadayon sa pagtulon-an sa mga apostol.
- C. Nanudlo ang mga apostol sa samang butang sa tanang balaan sa tanang dapit ug sa tanang iglesia—1 Cor. 4:17; 7:17; 11:16; 14:33-34:
 1. Itudlo sab gyod nato ang samang butang sa tanang iglesia sa tanang nasod sa tibuok yuta—Mat. 28:19-20.
 2. Walay hunahuna diha sa Bag-ong Tugon nga maayo ang pagtulon-an alang sa usa ka iglesia apan dili sa ubang iglesia; nagpadayag hinuon ang Bag-ong Tugon nga sama ra ang tanang iglesia sa pagdawat sa mga pagtulon-an—Tito 1:9.

IV. Sa pagbatasan nato sa pagkahiusa, kat-onan gyod nato nga mausa sa espiritu ug sa kalag—Fil. 1:27:

- A. Mobalik gyod ta sa atong espiritu ug unya mosulod sa atong kalag nga may usang espiritu aron magkahiusa ta—2:2, 5; 4:2.
- B. Kon buot tang maanaa nato ang tinuod nga pagkahiusa, kinahanglan “mapahiangay ta sa samang hunahuna ug sa samang opinyon”—1 Cor. 1:10; 7:25, 40.
 1. Ang problema diha sa lokal nga iglesiahonong kinabuhi nga nagpugong nato nga mahiusa mao ang atong opinyon—Mat. 16:22-25; Fil. 2:2; 4:2.
 2. Sa buhat sa Ginoo, sa iglesiahonong kinabuhi, ug sa espirituhanong kinabuhi, ang kinadak-ang butang nga makadaot mao ang atong opinyon—1 Cor. 1:10-13.
 3. Ilhanan sa kangitngit ang mga opinyon (Juan 11:9-10); magpadayag ngani tag opinyon nga sukwahi sa kabubut-on sa Ginoo, nagtimaan kanang opinyona nga naggawi ta sa kangitngit.
 4. Dili gyod mobuhat ang Ginoo basi sa opinyon sa tawo; mobuhat gyod Siya uyon sa kaugalingon Niyang kabubut-on, ug dili gyod Siya matandog segun sa atong opinyon, lakip na sa pag-ampong segun sa atong opinyon—1 Juan 5:14-15.
- C. Ang magkahiusa kana mang magkausa sa tibuok natong pagkatawo, ug more-sulta kini sa pagkausa nato sa atong pagpamulong—Rom. 15:5-6:
 1. Nagpasabot ang pagka-usa ray hunahuna ug usa ray baba nga usa ray Ulo nato—si Cristo—kay ang Ulo ra may naay hunahuna ug baba; maghunahuna gyod ta pinaagi sa hunahuna ni Cristo ug mamulong pinaagi sa baba sa Ulo—Col. 1:18; Fil. 2:2, 5; 4:2.
 2. Magkahiusa ngani ta, mamulong ta sa samang butang; mamulong ta nga usa ray baba.
 3. Ang bugtong paagi nga magkahiusa ug ma-usa ray baba paghatag man nato ni Cristo sa luna nga mahimong tanan sa atong kasingkasing ug sa atong baba aron mahimaya ang Dios—Efe. 3:17, 21.

V. Ang pagkahiusa maoy punoang yawe sa tanang panalangin sa Bag-ong Tugon—Buh. 1:14; Efe. 1:3; Rom. 15:29:

- A. Mahalon gyod nato ang panalangin sa Dios ug makaamgo nga diha sa iglesia-hanong kinabuhi nag-agad sa pagpanalangin sa Dios ang tanan—Efe. 1:3.
- B. Gusto natong makita nga makadawat ang tanang iglesia sa gisugong panalangin sa Dios—Sal. 133:3.
- C. Sa pagbatasan nato sa iglesiahanong kinabuhi, sayran gyod nato ang paagi nga maanaa ang iglesia sa “kahupnganan sa panalangin ni Cristo”—Rom. 15:29:
 - 1. Mahinungdanon nga makaamgo ta nga moabot lang ang panalangin sa Dios sa sitwasyon nga nagkahiusa; kay ang pagkahiusa ra may panalanginan sa Dios—Buh. 2:46.
 - 2. Aron mapanalangin ta sa Dios, batasanon gyod nato ang pagkausa, ug ang paagi sa pagbatasan sa pagkausa mao ang pagkahiusa—4:24; 15:25; Rom. 15:6.